

PREDGOVOR

Izdanje ove knjige na srpskohrvatskom jeziku može se označiti kao treće prerađeno izdanje.

Međunarodne poslovne finansije razmatramo, naime, s aspekta sistema. Stoga knjiga ima tri sastavna dijela: osnove međunarodnih finansijskih odnosa, sredinu međunarodnih finansija i međunarodno finansijsko poslovanje.

U prvom dijelu upoznajemo osnove međunarodnih finansijskih odnosa: odnosa među valutama, međunarodnu deviznu i novčanu razmjenu, međunarodni promet kapitala i platni bilans.

U drugom dijelu razmatramo sredinu međunarodnih finansija. Budući da se ta sredina razlikuje od države do države, moramo je upoznati da bismo mogli poslovno pravilno postupati. Faktore sredine smatramo nekontrolisanim varijablama, što znači da nastaju izvan poslovnog sistema, ali da na poslovni sistem odlučujuće utječu. Baš zato savremeno poslovno upravljanje zahtijeva da moramo elemente sredine upoznati da bismo u samoupravnom poslovnom sistemu mogli pravilno planirati, odlučivati, kontrolisati i djelovati. Sredinu međunarodnih finansijskih poslova tvore vanjski i unutrašnji elementi. Vanjski elementi su međunarodna novčana, finansijska i investiciona sredina, a unutrašnji naš devizni sistem, devizno tržište, režim platnog prometa s inostranstvom, režim kreditnih poslova s inostranstvom i investicioni režim s inostranstvom. Unutrašnja sredina je, dakle, naša samoupravna sredina finansijskih odnosa s inostranstvom.

U trećem dijelu polazimo od međunarodnih finansijskih informacija i međunarodnih finansijskih istraživanja potrebnih za sticanje finansijskih podataka. Takav pristup je prijeko potreban ako želimo osavremeniti međunarodno finansijsko poslovanje, koje realizujemo sljedećim međunarodnim finansijskim poslovima: platni promet s inostranstvom, kreditiranje međunarodnih poslova razmjene, međunarodna ulaganja i međunarodne garancije.

I ovom prilikom zahvaljujem svima koji su doprinijeli da treće izdanje ove knjige bude kvalitetno, a naročito prof. dru Rudi Crnko-

viću za stručnu recenziju, asistentu Dušanu Zbašniku za pomoć pri skupljanju gradiva, Dušanu Špindleru za jezičku korekturu i Brigiti Bedenik za izvršeni administrativni rad.

Kao i ostale dvije knjige, i ovu posvećujem svojoj ženi Ani.

Lovrenc na Pohorju, juna 1975.

D. V.